



ՀՀ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ ՆԱԽԱՐԱՐՈՒԹՅՈՒՆ

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ

ՀՀ, Երևան, 0025, Ալեք Մանուկյան 1 • Республика Армения, Ереван, 0025, Алека Манукяна 1 • 1 Alex Manoogian st., Yerevan, 0025, Republic of Armenia
(+374 10) 55-47-52, (+374 10) 55-46-41 (Fax), info@ysu.am, www.ysu.am

ք. Երևան

06.09.2024թ.

Ո Ր Ո Շ ՈՒ Մ

«ԵՊՀ-ԷԱՃԱՊՁԲ-24/146»

**(գնումների գործընթացին մասնակցելու իրավունք չունեցող մասնակիցների ցուցակում
ներառելու մասին)**

ՊԱՐԶԵՑ

«Երևանի պետական համալսարան» հիմնադրամի (այսուհետ՝ ԵՊՀ) կողմից 2024 թվականի հունիսի 26-ին տեղեկագրում (www.gnumner.am) հրապակարակվել է համակարգիչների ձեռքբերման «ԵՊՀ-ԷԱՃԱՊՁԲ-24/146» ծածկագրով գնման ընթացակարգ (այսուհետ՝ Ընթացակարգ):

Ընթացակարգին մասնակցության հայտ է ներկայացվել «Ֆուդսիթի» ՍՊ ընկերության կողմից (ՀՎՀՀ՝ 01028873, այսուհետ՝ Ընկերություն):

Ընթացակարգի գնահատող հանձնաժողովի 2-րդ նիստի արձանագրության 8-րդ կետով Ընկերությունը Ընթացակարգի 1-ից 4-րդ չափաբաժինների մասով ճանաչվել է ընտրված (հաղթող) մասնակից, սակայն Ընթացակարգի գնահատող հանձնաժողովի հաջորդ՝ 2024 թվականի օգոստոսի 2-ի 3-րդ նիստի արձանագրության 1-ին կետով գնահատող հանձնաժողովը որոշել է նախորդ (2-րդ) նիստի արձանագրության 7-րդ, 8-րդ և 9-րդ կետերը ճանաչել առ ոչինչ, ինչպես նաև լիազորել ԵՊՀ-ին դիմել ՀՀ ֆինանսների նախարարությանը (այսուհետ՝ Լիազոր մարմին)՝ Ընթացակարգը «www.eauction.armeps.am» համակարգով գնահատման փուլ վերադարձնելու և կրկնակի գնահատում կատարելու նպատակով, քանի որ հայտնաբերվել է, որ Ընկերությունը ներառված է Լիազոր մարմնի կողմից վարվող գնումների գործընթացին մասնակցելու իրավունք չունեցող մասնակիցներին փոխկապակցված անձանց ցուցակում

(փոխկապակցված է «ԿԱՌԻՊԵՐՎՈՒԴ ԸՆԴ ԿՈ» ՍՊ ընկերության հետ (ՀՎՀՀ՝ 01043009)): Արդյունքում Ընկերության կողմից ներկայացված հայտը գնահատվել է անբավարար և մերժվել է:

ՀՀ Կառավարության 2017 թվականի մայիսի 4-ի 526-Ն որոշման 1-ին կետի 1-ին ենթակետով հաստատված կարգի 121-րդ կետի համաձայն «մասնակցի՝ օրենքի («Գնումների մասին» օրենքի) 6-րդ հոդվածի 1-ին մասի 6-րդ կետով նախատեսված ցուցակում ներառվելը, դրանում գտնվելու ժամանակահատվածում, ինքնաբերաբար հանգեցնում է վերջինիս հետ փոխկապակցված անձանց գնումների գործընթացին մասնակցության իրավունքի սահմանափակման»:

«Գնումների մասին» օրենքի 6-րդ հոդվածի 1-ին մասի 6-րդ կետի ա) ենթակետի համաձայն «մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը և մասնակիցը հրավերով և (կամ) պայմանագրով սահմանված ժամկետում չի վճարել հայտի, պայմանագրի և (կամ) որակավորման ապահովման գումարը»:

Հիմք ընդունելով վերոգրյալը, ինչպես նաև Օրենքի 6-րդ հոդվածի 2-րդ մասը.

ՈՐՈՇԵՑ

Ընկերությանը գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով՝ սույն որոշումը կայացվելուն օրվան հաջորդող օրն այն տրամադրել լիազորված մարմնին և մասնակցին:

ԸՆԴՀԱՆՈՒՐ ՀԱՐՑԵՐԻ
ԳԾՈՎ ՊՐՈՌԵԿՏՈՐ՝



Ա. Գ. ՄԱԼԽԱՍՅԱՆ